



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Theophili Bernardini E Societate Iesv De Religiosæ  
Perseverantiae Præsidiis Libri XI. ...**

**Bernardin, Théophile**

**Antverpiae, 1622**

Art. 2. Quando sit scriptus, & quorsum.

[urn:nbn:de:hbz:466:1-47032](https://nbn-resolving.de/urn:nbn:de:hbz:466:1-47032)

tium mysteriorum dignitas est tanta, ut necdum ea enarrare posse fatear, quam nondum satis capere me potuisse profiteor. ea est vel eius libri dignitas, vel ingenij mei tarditas, cui iam ab ipso Societatis aditae initio persuasum semperfuit, plus in hoc Exercitiorum libro solo, ad perfectam orationem esse praesidij, quam in omnibus ex illo tempore quomodocumque editis: neque dum sanè video cur ab ista iudicatione discedam. non est quodd indigneatur quisquam; huic si multa tribuo, quod ipsorum est, ceteris haud demost: sed quod assero, id certa demonstratione firmabo. Hinc videant qui libellum istum hodie passim etiam vernacula lingua vulgatum legunt, nec magni faciunt, id eò fieri quodd sine doctore, & experiento conueniente non satis queat intelligi.

Quod autem minus illi tribuant nonnulli, quid mirum? cum partim hominum, specie & orationis pompa ducantur, quam aliquando in sacris ipsis Literis non compieriens Augustinus, fastidiuit. partim vero magistris usi, qui aliud aliquid saperent, ipsis quoque vel alio auertantur, vel nihil nisi quod primò occurrat, latere credant: Sed antequam ad id probandum accedo, dicendum est mihi Quando, & Quomodo sit liber ille conscriptus.

*Art. 2. Quando liber Exercitiorum à B. Patre sit scriptus, quid se inspectarit.*

Fuisse Manresa in primis conuersionis initijs libellum Exercitiorum conscriptum, scriptorum, & rerum gestarum testimonij constat, omniumque ordinatissime descripsit P. Petrus Ribad. l. i. Vitæ B. Ignatij c. 5. ad 9. eius insitam veligij, ut certius quod intendo pertingam.

Primo igitur, & incredibili quadam feroce in dies inardebeat Ignatius ignoratus, & mendicos inter, in xenodochio solum sui contemtum amans, nudus pedibus, nudo capite, humi cubans, ter quotidie acerrimè se diuerberans, septinas, præter Missæ & Vesperatum tempus, horas quotidie in oratione ponens perfeuererat: quibus efficiebatur, vrabsterfo omni vetere rerum huius facultate, in aliud planè virum abiret, cuius non iam in terris, sed videretur conuersatio tota esse in cælis, iam non regibus, sed soli regum Regino militabat: vtego de bono fidoque milite, in fortem peritumque ducem euaderet, eum tentamentis varijs & scrupulis mirè exercitum habuit Deus. Cumque diuina misericordia fuerit semper Ignatius omnium suorum animæ motuum, omnium propensionum, instinctuum, omniumque quæ in mente transigerentur obseruator, explorator & discriminator acerrimus, cum etiam animum gereret quam maximè ab omni quarumcumque rerum cupiditate secretum, totoque nisi ad perfectionis celiora tendentem, hinc factum, ut ad obseruationem sollicitam accedente purissimo animi oculo, breuissimo tempore longè plura, & perfectius, experimento sui viderit, quam nos longis annis tardis eguesque videamus.

Vcit



Verē ad doctrinam spiritus callendam, non est spatium temporis definitum & præscriptum, sed adspirante diuina gratia, celerrimè percipitur, si modò neque diligentia, neque delit animi puritas.

Sic probato, sic discretionis dono exornato Ignatio, cùm haud quiuis, sed percelebris militiæ dux pararetur, grandiore eum luce illustrandum esse, diuinæ sapientiæ visum est: quapropter mentem eius in admirabilem quandam rerum diuinarum contemplandarum excelserat euexit: Sanctissimæ Trinitatis mysterium, qua mortali fas est, clarius demonstrauit: fidei dogmata ita firmè menti infixit, ut de illis dubitare non posset: aliquando apud fluuium tanto eius mentem lumine compleuit, vt sola in ea illustratione plus notitia sibi accessisse sit professus, quam vlo vñquam vel studio, vel reuelatione: ostendit ipsum abalienatus est à sensibus, cælestibus interim diuinis que delicijs pastus: denique hic perspicuas de Societate excitanda notiones animo impressas fuisse, confessus est aliquando Ignatius.

Dux ergo noster iam satis instruetus est, vt quò, & qua sibi tendendum sit videat: sed quia soli in militia esse non licet, oportet de conuocandis, & aptè ad militiam exercendis esse sollicitum. At quibus in uitamentis, qua vlla poterit illecebra quisquam, à blandientibus mundi castris, ad asperam & præduram, eamque nouam Dei militiam, transferri? profectò solius hoc est Dei: at, quod est Dei quomodo cognoscant, quomodo, vt sequantur, permouebuntur homines? ergo etiam ad hoc ipsum, & primò & potissimè, ducendum docendumque vidit, reque ipsa & duxit & docuit B. Ignatium eadem sapientia bonitatemque diuina. At quomodo?

*Non secundum carnem militamus, inquit Apostolus: nam arma militia nostra, non carnalia sunt, sed potentia Deo ad destructionem munitionum, confilia destruentes, & omnem altitudinem extollentem se aduersus scientiam Dei, & in captiuitatem redigentes omnem intellectum in obsequium Christi. Sic planè B. Ignati arma, sic eius classicum delectum conuocans, siccilecebra & præmij sperandi ostentatio non in persuasibilibus humane sapientie verbis, sed in ostensione spiritus & virtutis: vt vocatio locorum militum non in sapientia hominum, sed in virtute Dei esset. Vtque à Spiritu sancto id esse certum foret, eo tempore ab homine illiterato, nullaque cuiusquam hominis industria eruderato, breuissimè & certissimè id omne digestum, scriptoque libro comprehensum est, quod ad diuinæ vocationis vocem audiendam sequendamque solet esse necessarium.*

Quod vnum quantum sit, & quam egregiè ab Ignatio præstitum, qui intellecterit, & ritè perpendere, sanè mirandæ finem non faciet. Diceremque nisi in libro quem de hoc arguento edidi, fuisus id probassem: quare non repeto. Nec tamen id prætermittendum, quod in eam diem nemo vñus, id genus argumenti ordine & certa via tractasset. Esteriam hoc arduum, vt qui nondum de spirituall vita quidquam degustarunt, de subtilissimis spiritus inspirationibus iudicare

Hhh. 3 do-

doceantur, eaque via doceantur, quae vix dicendo exponi, sed ferme tantum  
commonstrando, & quasi manu ducendo designari possit, tum quod eius ex-  
celositatem verba nostra haud satis assequuntur, tum quod eius efficacia, & ad-  
finem optatum certa deductio, non abs vnius aliquius praceptificula obserua-  
tione, sed a prudenti omnium quae ab initio decurrentur, apte que inter se deuini-  
ciuntur, ab ipsis quoque cuius res agitur, aliorumque multorum estimatione  
ac dijudicatione pendet. Vnde & haec cognitio, si vlla alia, verè acromaticæ est,  
quamque scriptis explicare nescio an possit: cumque non pauca de alijs eligendi  
modis in nostra illa scriptione dixerimus, ad hunc tamen qui certissimus est &  
nobilissimus, voluntatisque impulsibus, ac super his iudicatione intellectus  
perficitur, vbi ventum est, licet non pauca cap. 23. & 35. dixerim, id tamen, nihil  
proxim & viua vocis doctorem accesseris, ne quaquam satis esse sum professus.  
Cumque omnino perpauci sint, qui in rebus ceteris agendis, & reliqua varietate  
vitæ, istam B. Patris nostri doctrinam familiariter adhibeant, hinc sit, ut rarissimi  
sint, qui eam probè intelligant: ignorantiam in ceteris fortè tolerandam, ac cene-  
non in filijs, quibus hanc patrimonij nobilissimi hereditatem, tradidit exco-  
dam: at vallis qui boni Patris neglecta vinea, alienigenarum horrida dumera  
excolent, & femineas, si Deo placet, nobis mirabilitates obtrudent, velataque  
reuelationes ad impulsus Dei cognoscendos adhibebunt.

Non sic profectò Ignatius, sed docente & dictante spiritu, certissimo funda-  
mento posito, ad summa omnia firmissime gradum facit: finem ponit ob oculos;  
purgamentem; purgatam illustrat; illustratam excitat & firmat; firmatam  
Spiritu sancto animat, roborat, perficit. Sed distinetius id exponamus.

Primum & Ignatianorum operum longè maximum, illudque cuius gratia-  
gnatum, collocandum inter Dei principes, de militari puluere suscitarae diuinae  
prudentiae bonitas: primum in quam & maximum Ignatij opus fuit, Religio  
huius Ordinis, qui Societas Iesu dicitur, excitatio, & apta descriptio: huc ergo ut  
ad finem propositum, cetera referri, ipseque Ignatius aptari atq; instrui debuit.  
Cumque & socios connocare fecit arduum, & ad Religiosam vitam in eopè  
ne sint omnia, vt aptè & ex Dei spiritu vocentur: qui nihil minus quam de  
Societate cogitanti, immo nec ad eam cogitationem habili Ignatio, notitiam can-  
imiserat spiritus, is idem protinus eius menti libellum hunc inscripsit, quem  
continuo manus B. Patris describeret, eo que tam ipse, quam ceteri docerentur,  
quomodo vita sua rationes, è diuini Spiritus inspiratione certa, inirepossum.  
Hic ergo primus, & maximè necessarius libelli finis, vt sit vocationum quas la-  
pis Lydius, rejiciens à Societate non vocatos, vocatos admouens.

At semper is fuit Ignatius, qui non quomodo unque, sed absolutè, sed per-  
fectè, a se suscepta completi vellet, cumq; Religiosam familiam, cum socios ad-  
legendos cogitaret, & eam & eos pro fine sibi proposito quam perfectissimos  
esse cuperet, sciretque ad perfectionem, vi & energia primæ vocationis itanos  
duc.

duci, ut soleant in prima vocatione, virtutum & perfectionis, quae deinceps latius efflorescet, occulta semina latere: siquie prima vita secutura quia radix & origo, quae nisi vitalis fuerit, unde quoque ceteris accedit vita? Consentaneum fuit, ut tale vocationi excitandæ instrumentum adhiberet, quod inuoluta perfectissimæ actionis contemplationilque semina ita contineat, ut tota deinde quam longa, quam perfecta futura esset, vita ista mortali, haberent socij, quod inde euoluerent, nec magis eis opus foret agendi, meditandi, contemplandi que præcepta aliunde mutuari, quam vocationis inex cogitatam quandam nouamque formam fingere.

Duplex igitur, & vterque planè eximius, libello Exercitiorum finis est propositus. Vnus ut quemuis possit de vocatione sua docere, sed eos maximè & dilucidissimè, qui ad Societatem verè à Deo vocantur: & simul vtrisque excitare, ut pro dignitate suæ vocationis viuant. Alter finis est, ut eius præceptionibus instruētus quisque, possit sua in vocatione (sed in Societate maximè cui mirè conuenit) perfectissima cuncta sectari. Quod vtrumque à se spectari, disertis verbis asserit B. Pater, in extremo præludij circa considerationem statuum.

Hinc autem id primum agnoscimus, cur, eum singula omnia sint verbis dilucidissimis conscripta, vñlque sit eorum sensus, liber ille in tam diuersa ducat? nempe id ipsum quod sacris Literis accidit, in quibus obseruare est varium illum finem: arguit Isaias Iudæos, in mores prauos inuechitur, de Cyro, & liberatione Ierusalem vaticinatur; is primus sensus. at simul de futuris prophetat, mysteria multa prædictit; hie alter sensus: dumque duo hi sensus conferuntur, multiplices nonnumquam, verique omnes emergunt. Idem planè in hoc Ignatij libello: qua ducit ad eligendum, sensus habet suos; & suos, qua eadem parte perficiendum docet. Hoc autem vtrumque tam aptè, vna eademque opera pergere, supra hominem est. Accedit etiam, quod humillimus, & ex Deo totus a præs Ignatius, penitus in animum induxerat, nihil humana calliditate vel persuasione fieri, quod remoto Deo ad æternitatem esset vtile; Dei esse permouere animos, nostrum id solum, si forte permoueri à Deo vellent, inducere. Quare nihil adhibuit, quo in partem alteram cuiusquam mentem, in diligendo vitæ genere, flecteret: led latè patentibus, & ad plurima flecti aptis vñs est axiomatis, quo facilius possit quiuis varia naturæ incitamenta, varios sancti Spiritus instinctus perseguiri. Id ipsum in instituto vitæ perfectè decurrendo perutile; nam neque omnium ad res easdem, ijdem debent esse impetus, neque melior aut certior Spiritu sancto dux illius optari potest ab eis, qui discretionis regulas à B. Patre traditæ, oratione adiuncta obseruant, & Confessariorum consilijs audientes sunt.

Aliud quoque è dupli illo fine cognoscimus, cur scilicet, cum (vt demonstrabimus) summum orationis & contemplationis apice in complectatur; noti tamen perpetuo & inabrupto ordine ad eum contendat, eoque se contendere dissimili.

dissimulet? fuit enim id primò ponendum, & probè stabiendum, quod primò & maximè necessarium erat: & quo vno rectè constituto ac peracto, facilis ad excelsiora omnia pateret ingressus: Atqui illud vnum est vocatio, & vocatio sic cognita, vt ex eius cognitione dilucidè instillata, nullæ possint in reliquo vite cursu tenebræ offundi: imò verò ex ijs quæcum docemur, si quid certè videmus, eam lucem videmus, quæ ipsas quoque, quas perfectioni clarissimæ nonnulli offundunt, tenebras discutiat. Præterea cùm nequaquam sit omnium ad quæuis contendere, verissimeque dixerit S. Gregor. *Sepè qui contemplari Deum quia poterant, occupationibus presi ceciderunt; & sepè qui occupati, bene humanis syllabus inrent, gladio sua quietis exstincti sunt;* sapientissimè factum est, vt quoniam insuorum omnium, sed & aliorum plurimorum manus, venturus erat is liber, nec men expedire minus idoneos, ad eius perfectissima conari, ita scriberetur, n in aperto nihil reconditus ostentarer, neque quisquam ad audendum supravers inuitaretur, sed sua sorte contenitus viueret qui minus valet, se quidquid eo est assecutum putans: qui verò ad maiora & digniora vocaretur, non ageat peruidere posset, agnoscetque numquam se tam longè progressum, quin ex hoc etiamnum libello, quò posset progedi longius haberet.

*lib. 6. Mor.  
c. 26.*

*Art. 3. Quas, ut vocant, vite spiritualis vias in Exercitiorum libro complexus Ignatius.*

Aptè omnino atque conuenientissimè docuere perfectionis magistri, ut ad perfectionem decurrentibus vias esse obseruandas, quas purgatiua, illuminatiua, vnitiuam nuncupauerunt, de quibus breuiter & dilucidè S. Bonaventura. *Purgatiua, inquit, confessit in expulsione peccati: illuminatiua in imitatione Christi: vnitiuam in susceptione Spiritus sancti, qui amor est, & mentem insidendo, vnum cum Deo spiritum facit: & qualibet via habet gradus suos, quibus ascenditur ab imo usque ad summum.* ita ille.

Iam verò cùm in his humanæ perfectionis summa constet, qui eas perficit fuerit complexus, is de absolutissima perfectione nihil omisisse censendus est. Est autem earum singulas aptissimè complexus Ignatius, & suas seu induciones, seu præceptiones ita temperavit, vt (quod eorum quæ à Deo sunt solet esse proprium) propè nulla verbis indicatione facta, vsu, ordine, rebus vias singularias accommodissimè & securissimè percurrere doceret. Omnino nihil est quod in eis desideremus, dum eas ad usum & praxim, quam volebat, quam prestat, reuocare conemur. Verè magnorum fluminum magni fontes. ò quaevis in ipsis suis initijs Ignatius! nonne ut gigas coepit currere viam suam, qui totamque longas vias primo imperu est emensus? qui prius propè celissimum rerum doctor claruit, quam tirocinium ponere sit aggressus? sed id quomodo obtineat dicamus.

Vt